



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Licentiæ assumendi habitum Eremiticum Form. XIII.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

tarum in dicta Ecclesia Parochiali N. auctoritate nostra ordinaria perpetuò erigimus, & instituimus. Datum, &c.

N. Episcopus N.

Loco ✠ Sigilli.

N. Cancellarius Episcopalis.

ADNOTATIONES.

1 NUNQUAM IN EA INSTITUTAM FUISSE. In visitatione Ecclesiarum Parochialium curæ erit Episcopo investigandi de existentia Societatis Sacramenti; quia hæc non comprehenditur in prohibitione, quod una tantum Confraternitas ejusdem nominis, & instituti in unoquoque loco erigatur: Immo expressè, & enixè desideratur, quod in qualibet Ecclesia Parochiali inventiatur, ut patet ex litteris Congregationis Indulgentiarum Archiepiscopo Bononien. directis, & approbatis à Paulo V. & per extensum relatis à Lauret. de Franch. *controv. par. 1. n. 231.* & propterea ubi non adest, quantum possibile erit, studeat, ut instituat.

2 Et quod dicitur de Societate Sacramenti, ampliet Episcopus ad aliam Doctrinæ Christianæ tam Marium, quam Fœminarum, & præsertim in Cathedrali, quia opus hoc piissimum, necessarium est, & eo indigent parvuli, & adulti, totisque viribus promovendum, juxta commotionem Sanctissimi Pontificis Innocent. XI. litteris circularibus omnibus Episcopis factam sub dat. 22. Junii 1686. Nicol. *fosc. verb. Confraternitas num. 2. vers. Non intelligitur.*

3 PRIVILEGIIS, ET PRÆROGATIVIS. Una ex prærogativis, qua gaudet ista Societas, est præcedentia, quæ ei debetur supra omnes alias Confraternitates in illis Processionibus, in quibus defertur Sanctissimum Sacramentum, prout declaravit Sac. Congreg.

Rituum in Vercellen. 18. Junii 1695. & in Cremon. 3. Augusti 1697.

4 NECNON PARTICIPATIONE INDULGENTIARUM. Ubicumque hæc Societates reperiuntur erectæ gaudent, & participant absque alia aggregatione de Indulgentiis concessis à Summis Pontificibus Pio V. Gregorio XII. & Paulo V. De qua participatione populus à Parocho frequenter est admonendus, ut fideles lucro spirituali allekti, valeant (de eorum salute solliciti) societati ascribi, & opera illius avidius exercere.

Licentiæ assumendi habitum
Eremiticum.

FORMULA XIII.

SUMMARIUM.

- 1** *Habitum Eremiticum non debet ab Episcopo concedi, nisi bonis moribus præditi.*
- 2** *Eremitæ, qui susceperunt habitum de manu Episcopi, & inserviunt alicui Ecclesiæ de ejus mandato, gaudent privilegio fori.*
- 3** *Qui oppositam sententiam teneant referuntur.*
- 4** *Deputatio Eremitæ pro custodia Ecclesiæ, potest pertinere ad Laicos, sed approbatio semper spectat ad Episcopum, qui lentè procedere debet.*
- 5** *Eremitæ quando sint à Diœcesi expellendi.*

N. Epi-

N. Episcopus N.

Dilecto N. salutem, & benedictionem in Domino sempiternam.

Tibi probis, Christianisque moribus imbuto, & bono spiritu serviendi Deo in solitudinem ducto, & *attenta obligatione* per Te facta in actis nostrae Curiae, quod Nobis, & successoribus nostris obediens eris, habitum Eremiticum, quem postulasti, & ut illum deferre valeas concedimus, Eremumque cum Ecclesia N. in quo (seu qua) commorari debeas assignamus, & *in custodem, & servitio dictae Ecclesiae deputamus*, manesque sub obedientia Rever. Archipresbyteri loci N. nec in loco supra assignato ultra triduum sine licentia d. Archipresbyteri abesse nequeas sub penis arbitrio nostro infligendis. Declarantes Te ita per Nos approbatum, & deputatum gaudere debere *privilegiis*, quibus fruuntur, & gaudent caeteri Eremitae tam de jure, quam de consuetudine. In quorum, &c. Datum, &c.

N. Episcopus, five Vicarius Generalis N.

Loco ✠ Sigilli.

N. Cancellarius Episcopalis.

ADNOTATIONES.

1 **PROBIS, CHRISTIANISQUE MORIBUS.** Primumque requisitum pro concessione habitus Eremitici sunt boni mores, & aliqua idoneitas, & aptitudo pro custodienda, & servienda Ecclesia, cui Eremita addicitur, & praeficitur.

2 **ATTENTA OBLIGATIONE.** Eremitae habentes requisita in Formula contenta, nempe si susceperint habitum de manu Episcopi, si servitio alicujus Ecclesiae ab eodem fuerint deputati, & si vivant saltem ex pacto sub illius obedientia, gaudent privilegio Fori, & Canonis, juxta sententiam, quam tenent Barbof. *de jur. Eccles. lib. 1. cap. 39. nu. 45.* & in *Summ. decis. Apostol. collect. 324. n. 2.* Fagnan. *in cap. Nullus num. 61. & 62. de for. comp. Nicol. lucubr. canon. lib. 5. tit. 39. n. 109. §. 3.*

3 Et quod habeant privilegium Clericorum, dicit Glos. *in cap. Qui verè verb. Sacro 16. q. 1.* Quamquam oppositam sententiam tenentibus relatis, quaestionem in decisam relinquunt Donat. *de Regular.*

tom. 4. tract. 14. qu. 1. Passerin. de stat. homin. tom. 3. qu. 188. art. 8. n. 28.

4 **IN CUSTODEM, ET SERVITIO DICTAE ECCLESIAE DEPUTAMUS.** Deputatio Eremitae pro custodienda Ecclesia potest pertinere ad Laicos de universitate cum approbatione tamen Ordinarii, *Sac. Congr. Concilii in Alban. 10. Maii 1692.* Verum Episcopus in approbando tales homines, & praesertim Ultramontanos, qui ad nostram Italiam adventant, immò & saepe vagantur, quam alios alienigenas, caute, & lente procedat, & moram faciat, donec de moribus, religione, & vita certioretur: Nam non semel accidit, quod hi veniunt ad Nos in vestimentis ovium, intrinsecus autem, vel sunt Haeretici, vel homines perditii, facinorosi, girovagi, circumcelliones, qui Provincias lustrant in spiritu libertatis, & carnis, gulaeque illecebris fervientes flagitiose vivunt.

5 Quos igitur mores Religioso habitu non correspondere, aptitudinemque servitio Ecclesiae non habere competentum habeat, aut de eorum honestate,

state, vita, & religioſitate rumor, ſeu ſuſpicio ſit, vel juxta modum ab eodem Epifcopo eis præſcriptio, vivere renuant, & contemnant, à Diœceſi abire compellat juris remediis, ne iſti Pſeudomonachi bonos mores ſubditorum corrumpant, ut monet Text. in cap. quidam Monachi, & cap. ſeqq. 16. quæſt. 1. Donat. prax. rer. Regular. tom. 4. tract. 14. qu. 2. num. 7.

Licentiæ aſſumendi habitum Tertiariæ.

FORMULA XIV.

SUMMARIUM.

1 *Habitus Tertiariæ non debet ab Epifcopo concedi, niſi ſervatis conditionibus præſcriptis à Sac. Congreg. Concilii.*

Tertiariæ habentes requiſita gaudent privilegio fori, & exemptione à gabellis.

N. Epifcopus N.

Dilectæ Nobis in Chriſto N. ſalutem, & benedictionem in Domino.

UTTU, quæ bonis moribus imbuta, bonæque frugis, & laudabilis vitæ exitis, ætate annorum quadraginta conſtituta, propria bona, ex quorum fructibus honeſtè vivere vales, poſſides, & non cum aliis viris, quàm cum tuis conſanguineis, vel affinibus in primo tantùm gradu conjunctis habitas, prout hæc omnia Nobis prævia informatione conſtare feciſti, Tertii Ordinis Sancti Franciſci habitum, quem poſtulavi, ſuſcipere poſſis, & R. P. N. Ord. Min. in Provinciali illum Tibi conferendi licentiam, & facultatem concedimus, & impertimur. In quorum &c. Datum &c.

N. Epifcopus N.

Loco ✠ Sigilli.

N. Cancellarius Epifcopalis.

ADNOTATIONES.

1 **C**ONSTARE FECISTI. Antequam Epifcopus licentiam concedat habitum Tertiariarum aſſumendi, debet ſibi, vel ejus Vicario conſtare legitime de omnibus requiſitis, quæ ſigillatim ſuprà expreſſa fuerunt in Formula, ad formam præſcriptam Decretor. Sac. Congr. Epifcop. & Regular. & Sac. Congregat. Concilii, quæ per extenſum referunt Donat. prax. rer. Regular. tom. 2. tr. 17. de Soror. in ſæcul. qu. 3. num. 21. Nicol. in ſoſc. verb. Tertiariæ nu. 4. 5. & 6. Barboſ. in Summ. deciſ. Apoſtol. collect. 700. n. 2. Tertiariæ enim concurrentibus prædictis requiſitis gaudent privilegio Fori, & exemptionis à gabellis, Sac. Congr. Immu-

nit. in Interamnen. 10. Novemb. 1638. l. 3. Decr. fol. 77. tergo, Nicaſtren. 16. Julii 1628. lib. 1. Decret. fol. 8. Salernitana 29. Maii 1629. l. 1. Decret. fol. 139. à tergo.

Licentiæ publicationis Monitorii pro habendis revelationibus.

FORMULA XV.

SUMMARIUM.

- 1 *Monitoria pro habendis revelationibus non publicantur in Feſtis ſolemnioribus.*
- 2 *Qui non habet intereſſe, Monitoria pro revelationibus habendis non obtinet.*

3 Mo-